

# სახალხო განათლება+

„ძვენად არცერთი ბრძანი არ იყო, მასწავლებელი არა ჰყოლოდა.“  
იოსებ ნონეშვილი

№ 4 (4525) • 24 თებერვალი • 2016 წელი • • • • • გაზეთი გამოდის ოთხშაბათობით • ფასი 1 ლარი •

## დედის დღეს – 3 მარტს ბილტვათ, განათლების მუშაკებო!

ნომრის სტუმარია თბილისის 139-ე საჯარო სკოლა

### მაღალი შერევისთვის ნიჭსა და უნაბს აბ იშუბუნ



**მუღამ** მიმხარია ამ სკოლაში, რადგანაც აქ ათი წელი შედგოვდა ვიმუშავე. ამჯერადაც ასე იყო. გულთბილად მიმიღო ახალმა დირექტორმა, თავად გამოცდილმა და სანიმუშო პედაგოგმა **ნათია ფხალაძე**. იგი სულ ახალი მოსულია, მაგრამ უკვე შეეთვისა პედაგოგიკა – გამოცდილების კვალობაზე თავისი სასიკეთო ხელნერა დაატყო სასწავლო-აღმზრდელობით პროცესს. სკოლის ხელმძღვანელი, რუსული ენის ჩინებული სპეციალისტი. მუშაობდა თბილისის მე-7 საჯარო სკოლაში, სახელოვანი პედაგოგისა და დირექტორის, **აკაკი კვიციანი** მე-8 სკოლაში, ვისი სახელიც ცოდნის ამ ტაძარს სულ ახლახან მიენიჭა. **ნათია ფხალაძე** გახლავთ სერთიფიცირებული დირექტორი და სერთიფიცირებული მასწავლებელი.

ძველი კოლეგებიდან თითქმის არავინ დამხვდა, მაგრამ ძალიან მახარებს, რომ აქ ჩემი აღზრდილები ენევიან პედაგოგიურ მოღვაწეობას. მაგალითად, **დარეჯან ლაბარტყავა** ქართული ენა-ლიტერატურის ჩინებული მასწავლებელია.

აქ ძლიერი პედაგოგები მოღვაწეობენ, აქ ყველა მაღალ შედეგებზე არის ორიენტირებული. სკოლის ხალხიან მაჯისცემას დირექტორთან საუბრიდან შეიტყობთ, ძვირფასო მკითხველო.

\*\*\*

„კადრები წყვეტენ ყველაფერს“, – უთქვამს ბრძენკაცს. ამ მხრივ 139-ე საჯარო სკოლა ძლიერია, არაფრით ჩამოუვარდება დედაქალაქის ე. წ. „პრესტიჟულ“ სკოლებს. დირექტორზე მოკლედ ზემოთ ითქვა.

მისი მოადგილე სასწავლო ნაწილში – **ირმა ჯავახიძე**, ქიმიის პედაგოგი, მეტად გამოცდილი გახლავთ. ხარისხის მართვის მენეჯერ – **თინათინ კვციტაძე** (დანაწილების პედაგოგი) იგივე ითქმის. სამეურვეო საბჭოს თავმჯდომარეა – **მარიკა ამილახვარი**, მოსწავლეთა თვითმმართველობის თავმჯდომარე კი – ნიჭიერი მეთორმეტე-კლასელი **გიორგი გახაკიძე**.

17 მასწავლებელი სერთიფიცირებულია. ერთს აქვს მეცნიერების დოქტორის ხარისხი, იგი **მზია კუყერაშვილი**, ქიმიის

პედაგოგი. ყველა პედაგოგი ჩართულია ახალ სქემაში.

სკოლაში არის 7 საგნობრივი კათედრა: ქართული ენა-ლიტერატურისა – ხელმძღვანელი **მარიკა ამილახვარი**, მათემატიკისა – **ია გელაშვილი**, საბუნებისმეტყველოსი – **მზია კუყერაშვილი**, საზმეცნიერებების – **ნინო დალაქიშვილი**, უცხოური ენებისა – **ქეთევან აბრამიშვილი**, ესთეტიკისა – **ნინო სალუქვაძე** და დაწყებითი კლასებისა – **ნინო გაბუნძიძე**. ყველა უნარიანად უძღვება თავის საქმეს.

სკოლა ახალ სასწავლო წელს მომზადებული შეხვდა. საკუთარი სახსრებით შეკეთდა გარე და შიდა ელექტროგაყვანილობა, გარემონტდა ფსიქოლოგის კაბინეტი, ბიბლიოთეკა, 1 საკლასო ოთახი, დამონტაჟდა სათვალთვალო კამერები, შეიძინეს წიგნები ბიბლიოთეკისათვის.

სკოლაში ფუნქციონირება დაიწყო გახანტილებულმა ჯგუფმა. კარგად მუშაობს ფსიქოლოგი – **კატო თაბაგარი**, რომელიც გამოირჩევა თავისი პროფესიონალიზმით. გამოცდილი ექიმი – **ლალი ნუცუბიძე** მოსწავლეთა ჯანმრთელობის სამსახურშია.



სკოლა ჩართულია რამდენიმე პროექტში – ჭადრაკის სპეციალური ელექტრონული პროგრამა, GG-Pried-, პროფესიული ორიენტაციისა და კარიერის დაგეგმვის პროგრამაში.

პოპულარულია პედაგოგ **ნანული ბერიძის** მუსიკალური სტუდია, ქორეოგრაფიულ სტუდია „შველგოს“ ხელმძღვანელობს **დავით ბოხუა**, ფანდურის წრეს და ჭიდაობისას – **ალუდა ხუნჯუა**.

2015 წლიდან მოსწავლეები აქტიურად ჩაერთვნენ სხვადასხვა ინტელექტუალურ, საგანმანათლებლო და შემოქმედებით აქტივობებში. კერძოდ, მოსწავლეთა ჯგუფი ხშირად ესწრება სხვადასხვა საგანმანათლებლო დანესებულების, ასევე კერძო და სახელმწიფო სტრუქტურების მიერ გამართულ ლექციებს, „**მასტერკლასებს**“. მოსწავლეთა აზრით, ეს გარკვეული სახის დებატები, გაცნობითი პროგრამები და სხვა საინტერესო ჩართულობა მათ დაეხმარება

პროფესიის არჩევაში, კარიერის აწყობასა და დაგეგმვაში. ისინი ესწრებიან ლექციებს დედაუნივერსიტეტში თემაზე: „**ანტიკური თეატრი**“, „**ვიზუალური ხელოვნების საფუძვლები: მხატვრობა, „თამარ მეფე“**“, „**არქეოლოგია თანამედროვე მეცნიერების სისტემაში**“, ლექციური კურსი. „**ჯაყოს ხიზნების**“ **ახლებური ინტერპრეტაცია**“, „**ნორჩ ასტრონომია სკოლა**“, „**ნორჩ ეკონომისტთა სკოლა**“ – ლექციის თემაა მაკრო და მიკრო ეკონომიკა და სოციოლოგია. შავი ზღვის საერთაშორისო უნივერსიტეტში IBSU: მოსწავლეები წარმოდგენილი იყვნენ ელჩის რანგში, ამბასადორიალი. ახალგაზრდა დიპლომატთა კლუბი ამბასადორიალზე. პოსტსაბჭოთა კომიტეტი. ერთ-ერთი დელეგატი იყო – **ნინო გოჩაშვილი**, **მარია ჯავახიშვილი** კი ამბასადორიალზე წარმოადგინა ქვეყანა **ესტონეთი**. სპიკერები 15 წუთიანი პრეზენტაციებით წარადგინეს პუბლიკის წინაშე და ისაუბრეს მრავალ საინტერესო თემაზე. თავისუფალი და აგრარული უნივერსიტეტებში: გაცნობითი პროგრამები. ლექციური კურსი მოიცავდა სხვადასხვა გაცნობითი ხასიათის, სწავლისა და სწავ-

ლების ამოცანებსა და მიზნებს.

სკოლაში ამასწინათ პირველად ჩატარდა თვითმმართველობის დღეები. მოსწავლეებმა ერთ დღეს ჩაატარეს გაკვეთილები, ბოლოს კი პედაგოგიური საბჭოს სხდომა, სადაც შეჯამეს განვლილი საქმიანობა. ეს ღონისძიება პროფესიული ორიენტაციის მიზანს ემსახურება.

დაგეგმილია საქველმოქმედო აქცია. გამოცხადებულია კონკურსი: „**სკოლის საუკეთესო ლოგო**“, თებერვლის ბოლოდან დაიწყება აქციები მოხუცთა დასახმარებლად: „**არა ხართ დავინწყებულნი!**“

სასწავლო წლის დასაწყისში სკოლაში მოეწყო ჩვენი ბავშვების ნამუშევრების გამოფენა. ყველას ჰქონდა შესაძლებლობა, წარედგინა თავისი შემოქმედება.

სკოლაში ფუნქციონირებს წიგნის მოყვარულთა კლუბი. ჩვენი მოსწავლეები კითხულობენ წიგნებს და განიხილავენ მას. ამ საქმეს უნარიანად უძღვება გამოცდილი ბიბლიოთეკარი **ეთო ზურაბიშვილი**.

ისტორიის პედაგოგის – **ზაა ლუჯავას** ხელმძღვანელობით ჩატარდა ღონისძიება „**შორეულ წინაპართა ნაკვალევზე**“, მონაწილეობა მიიღო პროფესორები: **როინ მეტრეველი** და **ვახტანგ გურული**.

კიდევ ბევრი კარგი დაგეგრა სათქმელი. შემდეგისთვის იყოს!

„**აჰა, დედების და სახელთქების ასპარეზია თქვენთვის დაცლილი**“, 139-ე სკოლებზე!

**ზორის მიხველაძე**,  
პედაგოგიურ მეცნიერებათა დოქტორი

### გულთბილი მილოცვა



### ღვთიური მადლი დღემწვირობის

**იყო** დედა უფლის წყალობა, იყო სანიმუშო დედა – ეს უკვე გმირობაა. **3 მარტი დედის დღეა**. გაზაფხულის ამ ულამაზეს დღესასწაულს განსაკუთრებული სითბოთი და სიყვარულით მივულოცავთ წარმატებულ ქალბატონს, უპირველეს ყოვლისა, დედას, სამი არაჩვეულებრივი შვილისა, ჩინებულ პედაგოგსა და თბილისის 49-ე საჯარო სკოლის ინიციატივიან, შემოქმედ დირექტორს, ფილოლოგიის მეცნიერებათა დოქტორს, ქალბატონ **ეკატერინე ცაავას**.

მუღამ ხალისიანი, სამართლიანი, თბილი და მზრუნველი, სხვათა დარდის გამზიარებელი ქალბატონია იგი, რომელიც ძალისხმევას არ იშურებს, რომ სასწავლო პროცესი წარმართოს სკოლაში პედაგოგიური კოლექტივისა და სკოლის აღსაზრდელების საკეთილდღეოდ. თავად ენერგიულად უძღვება საგაკვეთილო პროცესს კლასში და თანამედროვე სწავლების მეთოდების გამოყენებით მოსწავლეს უქმნის საქმიან გარემოს, რომ ხარისხიანად აითვისონ ნებისმიერი ტიპის სასწავლო მასალა.

გილოცავთ ქალბატონო ეკატერინე დედის დღეს. ამ მშვენიერ დღეს ვულოცავთ ჩვენი სკოლის ყველა პედაგოგს, ასევე მთელი მსოფლიოს დედებს და გისურვებთ ბედნიერებას, სიხარულს, შვილების წარმატებას და უფლის წყალობას!

პედაგოგიური კოლექტივი

ათასად კახი დაფასდა, ათითასად – ზრდილობა...“

### მისაბაძი მოსწავლე

**მეტრო** „რუსთაველის“ გაჩერებასთან ღრმადმოხუცი შემოვიდა და სახელურს ჩაეჭიდა. ყველა ადგილი მოსწავლეებს ეჭირათ. მოხუცს შეხედეს და ლაზღანდარობა განაგრძეს. ერთი სიმპათიური ბიჭი წამოდგა: „**ბაბუ დაბრძანდი!**“ – „**გმადლობთ, გაიზარდეთ სასახელო კაცი!**“ სხვა მგზავრებმა ბიჭს საქციელი მოუწონეს. ის ახალგაზრდები კი ისევ მამლაყინობდნენ.

თავაზიანი ბიჭი თბილისის 105-ე საჯარო სკოლის მერვეკლასელი **ირაკლი იაკობიძე** აღმოჩნდა. სკოლის დირექტორმა **სოფიო ხვედელიძემ** და კლასის ხელმძღვანელმა **თინათინ ქუმსიაშვილმა** ირაკლი დაახასიათეს, როგორც სწავლა-ყოფაქცევაში მისაბაძი და სანიმუშო მოსწავლე.

მადლობა ირაკლის მშობლებს, რომ მამულს ასეთ შვილს უზრდინა!

რედაქტორი







ურიულს ხანაში ვცხოვრობთ. ახლა, როდესაც ასე მძაფრად უტევენ დედობის ინსტიტუტს, დედაშვილურ ღირსებას, დედებს (უფრო მომავალ დედებს) ისე მტკიცედ დგომა მართებთ, „ვითარცა შუშანიკს“. იგივე მოეთხოვებათ მამაკაცებს ე. ი. მომავალ მამებს.

რედაქციამ დედის დღესთან დაკავშირებით სახელოვან სკოლა-ლიცეუმ „ფესვები-საგან“ (დირექტორი მაია ალანია) მშენიერი წერილი მიიღო. პედაგოგიური კოლექტივი ბრწყინვალე დღესასწაულს ულოცავს ასევე ბრწყინვალე დედას და ჩინებულ მასწავლებლებს ნუნუ სეხნიაშვილს. გთავაზობთ მას.

\*\*\*

მონინება, პატივისცემა და სიყვარული გახლავთ ქალბატონ ნუნუ სეხნიაშვილის ღირსეული პედაგოგობის საფუძველი. ყველაზე აქტიური, ახალი სტანდარტებით გაჯერებული გახლავთ მისი ყველა გაკვეთი-



არ გამკრალიყოს ვაღლი-ღირსება დედაშვილობისა! სიკეთის და უნეტარების დედოფალი

ლი. მშენიერების შეგრძნება, ბუნების სიყვარული, ადამიანის ანატომია თუ ბიოსფეროს შესწავლა ნუნუკა მასწავლებლის უპირველესი საქმეა. ოთხი ათეული წელია სკოლას უმნიჭოდ და უშურველად ემსახურება იგი და ატარებს საჩვენებელ თუ ღია გაკვეთილებს. მისი მოსწავლეები იმარჯვებენ სხვადასხვა პროექტებში, სასწავლო ეროვნულ ტურებზე, ადგენენ თვითონ პროექტებს და არიან გამარჯვებულნი.

ნუნუკა მასწავლებელი სიკეთისა და ერთგულების დედოფალია სკოლაში. არაერთხელ დასახელებულა „წლის საუკეთესო მასწავლებლად“. იგი ამასთანავე არის ღირსეული მეუღლე, დედა ორი შვილისა, რომლებიც ჭეშმარიტად გამორ-



ჩეული მემკვიდრეები არიან. თამარ ზარანდია – ნიჭიერი სპეციალისტია, რომელსაც აქვს თავისი საკუთარი სტომატოლოგიური კლინიკა. იოსებ ზარანდია კი არის ცნობილი მენეჯერი.

საყვარელო ნუნუკა მასწავლებელი, გილოცავთ დედის დღეს, სკოლა-ლიცეუმ „ფესვების“ დირექტორი და პედაგოგიური კოლექტივი, მშობლები და მოსწავლეები.

მრავალ დედის დღეს დაესწარით, ღირსეულო დედავ, ბებიავ და საყვარელო ნუნუკა მასწავლებელი!

დედის დღე პატივით იოსებ ნონეშვილი დედა

დედავ – სიცოცხლის დიდო საწყისო,, დედავ – ცხოვრების ბუნჯოთ მგაბრო, ეს გული შენი გულით ხალისობს, შენი თვალებით ვხედავ სამყაროს.

ჩემს აკვანს ფერად დილიკლებიანს შენ დამღებოდი „ნანას“, „მზე შინას“. რამდენი დამე აბ გძინებია, რომ ჩემთვის ძილი გესწავლებინა.

შენ ჩემი ხელი ხელში გეჭიბა, აბ მშობრდებოდი წუთით, საათით. რომ სიარული გესწავლებინა შენც დადიოდი ჩემთან ტაატით.

მე შენი წმინდა შუქი მეფინა, შენსკენ მოვრბოდი ხელებგმწილი, რომ ლაბარაკი გესწავლებინა, შენც ტიტინებდი ჩემთან ბავშვივით.

თურმე რამდენჯერ ავად ვაგმხდარვარ, რამდენჯერ სენმა ხელი დამპია, დედავ, იმდენჯერ ბლუჯა ჭაღარა, თმებში ჭაღარა შემოგაბრვია.

დედავ – სიცოცხლის ტკბილო საწყისო, დედავ – ცხოვრების დგობიჯოთ მგაბრო, ეს გული შენი გულით ხალისობს, შენი თვალებით ვხედავ სამყაროს.

ლია გაკვეთილის სიხლი „ფესვების“ ღირსეული მემკვიდრენი

საოცარი ნათელი მოპყვენოდა ირგვლივით. ლიცილიცებდნენ სანთლები. ისმოდა საგალობლის ღვთაებრივი ხმა. მოკრძალებითა და დიდი სიყვარულით ელოდნენ სტუმრებს სკოლა-ლიცეუმ „ფესვებში“ X კლასის მოსწავლეები და ქართულის მასწავლებელი, ლიციუმის დირექტორი – მაია ალანია.

„ბნელი უჩინო იქმნების ნათლითა და უფროისდა ფრიალითა ნათლითა, უმეცრებაი უჩინო იქმნების მეცნიერებითა და უფროისლა ფრიალითა მეცნიერებითა“ ფსევდო – დიონისე არეოპაგელის ეს სიტყვები პროლოგად წინ უძღოდა გაკვეთილის დაწყებას.

ცოდნის საძირკველი წიგნიერება და წიგნიერება მეცნიერებაა, რომელიც არამხოლოდ თანამედროვეებს აკავშირებს ერთმანეთთან, არამედ სხვადასხვა თაობებსაც – იგია ცოცხალთა და გარდაცვლილთა დიალოგის მშენიერი მაგალითი.

ჰაგიოგრაფთა ღვაწლისადმი განსაკუთრებული სიყვარულით გამსჭვალული ერთმანეთს ეჯობებოდნენ X კლასელები ცოდნის გამოვლენაში. შემაჯამებულ გაკვეთილზე დაისვა უამრავი კითხვა, რომელსაც უშეცდომოდ, გონივრულად, გამორჩეული პატივით პასუხობდნენ აღსაზრდელები.



ერთმანეთს ცვლიდნენ საუკეთესო „ფესვები“ ტიტულისათვის „ღირსეული მემკვიდრე“, რომელიც დიდი მონინებით დაიმსახურეს: ლალი პეტრიაშვილი, ივერ ჩხეტიამ, მარიამ კაკაშვილი, მარიამ გვილიამ, ნათია ჭედია, გიორგი ბიბიაშვილი, ნიკოლოზ პაპკიაურმა, თამაზ ბულაშვილი, დავით მელაშვილი და სხვა.

მადლიერებას და სიხარულს ვერ მალავდნენ მონვეული სტუმრები. სახეგაბრწყინებულმა მოძღვარმა მადლობა გადაუხადა ქართული ენისა და ლიტერატურის მასწავლებელს უჩვეულო, განუმეორებელი გაკვეთილისთვის. პედაგოგის ოსტატობას, ღირსებასა და ჭეშმარიტებას მატებდა მოსწავლეების საფუძვლიანი ცოდნა. „ვერ მოვთვლი, რამდენ გაკვეთილზე მიუწვევივართ, მაგრამ ასეთი ცოდნა მოსწავლეებისა იშვიათობაა.



გველოთ წმინდანთა ნაკვალევზე, იყავით უფალს მიმსგავსებულნი!“ – აღნიშნა მოძღვარმა.

„ფესვებში“ სხვანაირად ზრდიან მოსწავლეებს და ზრუნავენ მათ მალალ სულიერებაზე.

– დიახ, ამაყი ვარ განაცხადა ქართულის

მასწავლებელმა მაია ალანიამ, – „ჰაგიოგრაფიულ ნაწარმოებთა გაცნობით ჩვენ შევძელით ზიარება წინაპართან, თანამედროვესთან და მომავალთან. ასეთ წარმატებულ ბავშვობას და სიყრმეს „ფესვების“ გამაგრებით შეგაძლებინებთო. იყავით ბედნიერები, ამაყნი და გამორჩეულნი ღირსად და ჭეშმარიტად!

ასეთი იყო მეთე კლასში შემაჯამებელი გაკვეთილის ხიბლი და ცხოველმყოფელობა.

რედაქტორის მიხანარი: სკოლა-ლიცეუმი „ფესვები“, რომელმაც ღირსეულად გადაიხადა ათი წლის იუბილე, მუდამ მალალ შედეგებზეა ორიენტირებული. აქ ცოდნის ხარისხი მალალია. აქ სწავლამილებული ახალგაზრდები გამოირჩევიან შეგნებული ცოდნით და კონკურენტუნარიანობით. გამორჩეული დირექტორი მაია ალანია და მისი ძლიერი პედაგოგები დაუღალავად იბრძვიან მალალი შედეგებისთვის და წარმატებებსაც აღწევენ. ამიტომაც არის სკოლა-ლიცეუმი „ფესვები“ ეგზომ პოპულარულია თემქის დასახლებში.



# ღმერთად საცნობი დედა — მასწავლებელი



ლამაზად შვილთა აღმზრდელ დედაზე ნათქვამი ვაჟას სტრიქონები თბილისის 142-ე საჯარო სკოლის ქართული ენა-ლიტერატურის მასწავლებელზე ლია გვიჩიაზე შედგამოჭრილია.

პედაგოგიურ ოჯახში აღზრდამ თავიდანვე განსაზღვრა მისი პროფესიული არჩევანი. პედაგოგიურ ასპარეზზე მოღვაწეობის მდიდარი და ლამაზი ბიოგრაფია

ლი, ენა, სარწმუნოება“ ღრმად დანერგვას მომავალი თაობის მსოფლმხედველობაში. მინდა ჩემს შვილებში ქრისტიანული ზნეობა განვამტკიცო, ყველა ნაწარმოები სახარებისეული პათოსით ვასწავლო, მიმაჩნია, რომ სწავლების მიზანი, პირველ რიგში, მოზარდის ჩამოყალიბებაა, — წერს ავტობიოგრაფიულ ნარკვევში.

სკოლის დირექტორი შორენა ცნობილაძე, ასევე კოლეგები მაღალ შეფასებას აძლევენ მის პროფესიონალიზმს. სერთიფიცირებული უფროსი მასწავლებელი ძალიან უყვართ მოსწავლეებს, მათ მშობლებს.

— ვამაყობ ოთხი შვილით. მწამს, ოჯახი ღვთის დიდი საჩუქარია. უფროსმა შვილმა, გიორგი ფანჩულიძემ აგრარული უნივერსიტეტის ეკონომიკური ფაკულტეტი დაამთავრა, დაოჯახებულია და ამჟამად მუშაობს თავისი პროფილით. პაატა ფანჩულიძე დედაუნივერსიტეტის წარმატებული სტუდენტია ისტორიის ფაკულტეტზე. ნინო და ზაქარია V-VI კლასის მოსწავლეები არიან.

ჩემი ცხოვრების უმთავრესი პრინციპი შვილების ქრისტიანულ-პატრიოტული იდეალებით აღზრდაა, ჩემი ვალია ის სიკეთე,



ამშვენებს ქალბატონ ლიას ცხოვრებას. სულხან-საბა ორბელიანის სახელობის პედინსტიტუტადმთავრებულმა სტუდენტობის დროს, ასევე, პედაგოგიურ ოჯახში აღზრდილ ზაზა ფანჩულიძესთან შექმნა ოჯახი. 22 წელია ზემოხსენებულ სკოლაში მუშაობს.

მიმტყვებლობა, მოყვასის სიყვარული, თავმდაბლობა, მამულის მსახურება, რაც ჩემმა მშობლებმა ჩემში ჩანერგეს, პირუთვნელად გადავცე ჩემს შთამომავლობას, — განაცხადა ჟურნალისტთან საუბარში.

გვინდა ყოველივე სიკეთე ვუსურვოთ ჩინებულ პედაგოგსა და ოთხი შვილის ლამაზად აღმზრდელ დედას.

— ვცდილობ ილიას ანდერძის — „მამუ-

## „ჭოი, დედანო, მარად ნეცხარნი!“

42 წელია თბილისის მე-18 საჯარო სკოლაში იღვწის ბიოლოგიის მასწავლებელი ლილა გველესიანი. შეუმჩნეველად გაფრენილა წლები. თაობები იცვლებიან. ჩვენს სკოლაშიც ბევრი ახალგაზრდა პედაგოგია, რომლებსაც წინა თაობის სახით საიმედო დასაყრდენი დახვდათ. მათ შორისაა ქალბატონი ლილა, რომელიც ზნეკეთილობის მაგალითია. კარგი დედა, გულისხმიერი კოლეგა და საუკეთესო პედაგოგია, მხოლოდ საგნის კი არა, სიკეთის სიყვარულსაც უნერგავს ბავშვებს. პატივება, შემწყნარებლობა, სამართლიანობა — ეს ის ღირებულებებია, რომელთა ერთგული თვითონ არის, აღსაზრდელებსაც იგივე სულსკვეთებით ზრდის.

კოლექტივმა გაიზიარა ლილა მასწავლებლის მწუნარება, როდესაც მისი ერთადერთი სანაქებო შვილი, ამ სკოლაში აღზრდილი ნიკუშა ხელიდან გამოგვეცალა. დარდი ბავშვებისა და სკოლის სიყვარულმა გადააბრუნა. თავს დატყუებულა უბედურებამ არ შეცვალა მისი მოსიყვარულე გული. იგი კვლავინდებურად თბილი და ყურადღებიანია.

ქალბატონი ლილა ორი შვილიშვილის ბებიაა. მათი სიხარულით და წარმატებით ცოცხლობს და ხარობს.

ლილა გველესიანი ამ სკოლის წარმატებული პედაგოგია, არაერთი ჯილდო და მაძლობა აქვს მიღებული. ყველაზე დიდი ჯილდო კი ის სიყვარულია, რომელსაც იხვეჭს აღსაზრდელებისა და კოლეგებისგან.

ჩვენ, თქვენი კოლეგები, დედის დღეს — 3 მარტს გილოცავთ, ერთო ჩვენთაგანო და გამორჩეული ლილა მასწავლებელი!

ნათელა კორასაშვილი, თბილისის მე-18 საჯარო სკოლის ფიზიკის პედაგოგი

ბევრი სასახელო თაობა გამოზარდა. ჩვენი სკოლის დირექტორი ქალბატონი თამარ ხორავა, დირექტორის მოადგილე ქალბატონი თამარ ნოზაძე მისი აღზრდილები არიან. საოცარი მოკრძალება და ურთიერთპატივისცემა იგრძნობა მათ დამოკიდებულებაში.

სკოლა მისთვის მეორე ოჯახია. მთელმა

# „დედა ენით“ გზრდელი ყრბათა

გიორგი სააკაძის მშობლიურ სოფელ ნოსტეში დაბადებული პედაგოგი მარინე კასრაძე მეოთხედი საუკუნეა, გმირ ნინა-პართა მაგალითზე პატრიოტული სულსკვეთებითა და „დედაენის“ სიყვარულით ზრდის ცეროდენებს. ოცი წელი თბილისის ან უკვე იავარყოფილ მე-15 საჯარო სკოლაში იღვწა. კარგა ხანია წარმატებით აგრძელებს ნორჩი თაობის დაკვლიანებას 207-ე სკოლაში. აქაც ისეთივე პედაგოგია, რომელზეც პოეტი პატარებს ათქმევინებს: „შეგვასწავლა ანიბანი, შეგვაყვარა დედაენა, თავს გვევლება, ფრთებს გვისწორებს, რომ თამამად შევძლოთ ფრენა“.

მარინე მანია, ილია მალრაძე, ლუკა ჩიქვილაძე, გიორგი ხმიადაშვილი, ლიკა ჩიქვინიძე, გვანცა მთავრიშვილი. გამიჭირდება ყველას ჩამოთვლა.



ბავშვებს ძალიან უყვართ მარინე მასწავლებელი — მშობლებსაც. მაღალ შეფასებას აძლევენ მის საქმიანობას: სკოლის დირექტორი ზურაბ ჩხაიძე, მისი მოადგილე ლია ჯანაშვილი, კოლეგები. ყველაზე მთავარი მაინც ისაა, რომ პედაგოგი მრავალშვილიანი დედა გახლავთ.

სჯობს თავად მარინეს მოუხსინოთ: ვარ სერთიფიცირებული პედაგოგი, მყავს ოთხი შვილი და შვიდი შვილიშვილი. ჩვენ ყველა

ამჟამად ვარ პირველი კლასის პედაგოგი. მათი მამულიშვილებად აღზრდისთვის ძალ-ღონეს არ ვიშურებ.

ძალიან მიყვარს სამშობლო, ოჯახი და ბავშვები. ამიტომაც მსურს ყველა მოზარდს ჩაუფერგო ეს თვისებები. მწამს, უსიყვარულოდ ქვეყანა ვერ გადარჩება. გამოცდილებას არ ვიშურებ მოსწავლეთა ცოდნის თვალსაწიერის გასაფართოებლად. ხშირად გამყავს ისინი ქალაქარეთ, დავდივართ მუზეუმებში, თეატრში, გამოფენებზე, ვდგამთ მინი სპექტაკლებს. წელს ჩავატარებთ საშემოდგომო და საახ-



ერთ დიდ ოჯახს ვქმნით, რომელშიც მუდამ სიხარული და სიყვარული სუფევს.

ჩემს ხელში გაიარა უამრავმა წარჩინებულმა მოსწავლემ, რომლებიც არა მარტო მე, მთელი სკოლა ამაყობს. ესენი არიან: ლამა ბაშარული, მარინე აზირაშვილი,

აღწილი ზეიმები. ამას იმიტომ ვაკეთებ, რომ საქართველოს ხვალისდელ პატრონთაობას ძალიან უყვარდეს ქართული ენა, მამული, სარწმუნოება“.

მარინე კასრაძეს ვულოცავთ დედის დღეს და ვუსურვებთ ბედნიერებას.

## სანიშნო დედა და კვლავი

თბილისის მე-9 საჯარო სკოლის გერმანული ენისა და ლიტერატურის პედაგოგი მარინე მარჯანიძე მასწავლებელთა იმ რიცხვს მიეკუთვნება, რომელიც მუდმივად თავის მოსწავლეებზე ფიქრობს და მათზე დედასავით ზრუნავს. იგი, უკვე 23 წელიწადია პედაგოგიურ მოღვაწეობას ეწევა და ვინ მოთვლის რამდენი თაობის აღმზრდელია. მაღლიერი მოსწავლეები არ ივწყებიან პედაგოგის ღვაწლს და მუდმივად ეხმარებიან საყვარელ მასწავლებელს. ამჟამად, ქალბატონი მარინე მე-V კლასის დამრიგებელია. მისი კლასი ერთერთი სანიშნო და მოსწავლეები დიდი აკადემიური მოსწრებით გამოირჩევიან. ეს არც არის გასაკვირი, რადგან მარინე მასწავლებელი თავისი საქმის პროფესიონალია და მუდმივად მუშაობს საკუთარ თავზე.

განათლების სამმართველოს მაშინდელმა მეთოდურმა კაბინეტმა (დირექტორი მერი აფხაზავა) 51-ე სასწავლო-შემოქმედებით კონფერენციასა და საგნობრივი ოლიმპიადების რაიონულ კომისიებში ნაყოფიერი მუშაობის და კოლეგიალური თანადგომისათვის. ...

სკოლის დირექტორი მარინე გიგაური, მარინე მარჯანიძეს ასე ახასიათებს: იგი არის უაღრესად მონენსრეგული, თავაზიანი, შრომისმოყვარე მასწავლებელი. დიდი პასუხისმგებლობით ეკიდება დაკისრებულ მოვალეობას, დამსახურებული სიყვარულით, პატივისცემით სარგებლობს მოსწავლეებსა და პედაგოგებს შორის; ასევე, აქტიურად არის ჩართული სკოლის ცხოვრებაში. მის რჩევას, მოსაზრებას და შემოთავაზებულ წინადადებებს ითვალისწინებენ როგორც პედაგოგები, ასევე მოსწავლეები.

მარინე მარჯანიძე სერთიფიცირებული პედაგოგია. მას მიღებული აქვს სიგელი (1997/98 წლებში), თბილისის მერიის განათლების მთავარი სამმართველოს მასწავლებელთა დახელოვნებისა და განათლების სისტემის მეთოდური უზრუნველყოფის ინსტიტუტის მიერ — პედაგოგიურ კითხვაში წარმოდგენილი საუკეთესო მოსწავლეთაათვის.

მარინე მარჯანიძე წარმატებულ პედაგოგიურ მოღვაწეობას მშენივრად უთავსებს ოჯახურ საქმიანობას. იგი, გახლავთ ორი ვაჟის დედა და სამი შვილიშვილის ბებია.

ასევე, გოეთეს ინსტიტუტის საზღვარგარეთ გერმანულ ენაზე ზრუნვისა და საერთაშორისო კულტურულ ურთიერთობათა ხელშემწყობი ცენტრის მიერ — სიგელები და სერთიფიკატები: 1995, 1997, 1998 წლებში. ქალბატონი მარინის ღვაწლი ჯეროვნად შეაფასეს და საჯაროდ გამოუცხადეს მაძლობა თბილისის ნაძალადევის რაიონის

ღვანლმოსილ პედაგოგს ვულოცავთ დედის დღეს და ხანგრძლივ, ნაყოფიერ საქმიანობას, ამასთან ერთად პირად ბედნიერებას ვუსურვებთ.





თბილისის 153-ე ბაგა-ბაღი

ამ პულამ გზე და გაზაფხულია



ეს თვალწარმტაცი ბავშვთა სამყარო მუხიანის დასახლების მშვენიერებაა. შეხვალთ, მოიხიბლებით, წამოიძახებთ: „ეს თვალწარმტაცი ბავშვთა სამყარო მუხიანის დასახლების მშვენიერებაა.“



ბევრიც იომოს, ამოდ ღმუის, როგორც აფთარი, წავა და სადმე თბილისის ბოლოს თავს ჩამოიხრჩობს ავი ზამთარი. დიას, სულ მალე პანაწინების ხალისიანი ჟრი-ამული უბანს აახშიანებს. კიდევ ცოტა და, ცეროდენები დედებს იებს დაუკრეფენ, 3 მარტს მიუ-ელოცავენ.



დან სულ ცოტა ხანში ბაგა-ბაღის იერ-სახე უფრო ესთეტიკური და მომხიბლავი გახდა. მართალია, მერია, კერძოდ, ბაგა-ბაღების სააგენტოს უფროსი თემურ თორდინავა ბაგა-ბაღს მხარში ამოუდგა, მაგრამ ამ დახმარებას ხომ გამოყენება უნდოდა? ჰოდა, გამოცდილი, ენერგიული დირექტორის ხელმძღვანელო-

ბით ინფრასტრუქტურა უფრო მონერგდა: შემოიტანეს საჭირო სახელმძღვანელოები, თვალსაჩინოება, ლეიბები, შეივსო ინვენტარი, გამოიცვალა ფარდები, კეთილმოეწყო სამუსიკო დარბაზი და სხვა. მოსვლისთანავე ახალმა დირექტორმა საქმით უპასუხა მერიის, კერძოდ, რაიონის მუნიციპალიტეტის „მწვანე აქციას“, ბაგა-ბაღის ვრცელ ეზოში დარგეს 30 ძირი წიწვოვანი ხე.

ახალი დირექტორი რუსუდან აბულაძე თბილისის 39-ე საჯარო სკოლისა და დედაუნივერსიტეტის აღზრდილია, დამთავრებული აქვს ფილოლოგიის ფაკულტეტი ფოლკლორისტიკის განხრით. მუშაობდა საქართველოს მეც-

ნიერებათა აკადემიაში, სკოლამდეღოთა აღზრდის დარგში პედაგოგიური წრეთა მიიღო პირველ ლოგოპედიურ საბავშვო ბაღში დიდებულ დირექტორთან, ზაირა კურტანიძესთან მის მოადგილედ ხანგრძლივი თანამშრომლობით. თავად დედას და ბებუას ძალიან, ძალიან უყვარს ბავშვები, დედასავით ზრუნავს ყოველ მათ-

განზე. მალე შეეწყო თანამშრომლებს და ამყობს თავისი ძლიერი, შემოქმედი, შრომისმოყვარე კადრებით.

რაც მთავარია, 153-ე ბაგა-ბაღში ისეთი კარგი პირობებია, რომ აქეთკენ მოუხარიათ ცეროდენებს. ძალიან კმაყოფილი არიან მათი მშობლები.

ბაგა-ბაღის კეთილდღეობაში

დიდი წვლილი შეაქვს დირექტორის გამოცდილი, შრომისმოყვარე მოადგილეს ირმა შავშიშვილს.

ახალი სასწავლო წლიდან ბაგა-ბაღში სიახლე შემოვიდა „სასკოლო მზაობის პროგრამის“ სახით, რომლის მოთხოვნები უნდა განხორციელდეს მეთოდისტიკის ნინო გოსტამაშვილის ხელმძღვანელობით.

„ხე ნაყოფითა საცნაურ არს“, – გვასწავლის ბიბლია. ბაგა-ბაღის ბარაქიანი ნაყოფი კი ნიჭიერი, დიდი მომავლის მქონე თვალსაჩინო გოგო-ბიჭები არიან. ბევრი, ძალიან ბევრია პერსპექტიული მომღერალი, მოცეკვავე, მხატვარი, დეკლამატორი, მსახიობი, რომლებიც გვხიბლავენ თავიანთი შემოქმედებით. მათი ჩამოთვლაც მინდოდა, მაგრამ გადავიფიქრე, მჯობნის მჯობნი არ დაიღვეო და ვაი, თუ ვინმე გამომჩქეს-მეთუი. სწავლა-აღზრდაში ამ მიღწევების შემოქმედნი ხომ ამ პატარებთან რუდუნებით მოღვაწე აღმზრდელ-პედაგოგები არიან და ყველას დაგელოცოთ მარჯვენა!

დირექტორი მალაღ შეფასებას აძლევს აღმზრდელების: მარინე ჩხაიძის, ეკა ფაფიაშვილის, ირმა ცხვედაძის, თამარ მახარაშვილის, ნანა ირემაშვილის, ნონა გოგილაშვილის, ნაირა სირაძის, მარი თოდაძის, ნინო გელაშვილის, ალა ყიფიანის, ირინე ენდელაძის, ნინო გალდავას, ლელა გოჩიაშვილის, ინდირა აბრალავას, მარინე ბეგლარაშვილის, თეა ხანიშვილის, ქეთი მერებაშვილის, თანაშემწეების: დარეჯან ენდელაძის, იანერეთლის, მარგალიტა ჩადუნელის, მარია ოგანუზოვას, მანანა ბისტოლანაშვილის, ციცინო ხანიშვილის, ნონა ჩანტლაძის, ელენორა კობახიძის, მცინარა ძიძიგურის, შორენა რამიშვილის, ციალა ლომსაძის, ნანა გაგაურის, სალომე ერგემიძის, მარეს გალდავას, თამილა მერაბიშვილის, ნინო ყაველაშვილის, მარინე მინდიაშვილის, თამარ ლომსაძის, ისევე აღმზრდელების: ხათუნა რამიშვილის, ნანა ებრაიძის, როზა გიორგობიანის, ირმა აბულაძის, იზა ყაზიშვილის, ირმა ამირანაშვილის, გულნაზ მამადაშვილის, ლელა ქუშაშვილის, ირინე მეტრეველის, ლალი ჯაბიშვილის თავდადებულ შრომას.

ბავშვთა ჯანმრთელობაზე დედასავით მზრუნველი, გამოცდილი ექთნის ნელი მახარაშვილის შიშით ვერცერთი ინფექცია, ვერც „ლორის გრიპი“ ეზოშიც ვერ შემოიხედავს.

ბაგა-ბაღის ცხოვრებას ახალისებენ და ბავშვების სულს აფაჩიხებენ ხელოვნების მუზის მსახურნი, ჩინებული პედაგოგები მუსიკისა: მარინე ნიავაძე, ნინა ლომსაძე და მადონა ცერცვაძე, ცეკვის მასწავლებელი სოფიო კვალინიძე. მარინე ნიავაძე ბაგა-ბაღის მშვენიერება – თვითნაბადი კომპოზიტორი და საბავშვო პოეტი. მისი ლექსები მუსიკალური აკომპანიმენტის თანხლებით იმღერება. თუ სურვილი ექნება, მარინეს პოეტურ შემოქმედებას ჩვენს გაზეთში ადგილს დავუთმობთ.

მადლობა უნდა ვუთხრათ აღმზრდელ და მხატვარ ეკა ფაფიაშვილს, რომელმაც თავისი

ვილს, ნუნუ დონაძეს, შორენა ბინაძეს, თაველა ასათიანს, ნათია მათიაშვილს, ნათელა მალარაძეს, ვაჟა დალაქიშვილს, ზურაბ ცხვედაძეს, იმედო გალდავას, დალი ხაბეიშვილს, ხოლო დარაჯი ფარსადან გიგუაშვილი კეთილსინდისიერებისა და შრომისმოყვარეო-



ფუნჯით ესთეტიკური ხიბლი შესძინა ბაგა-ბაღს.

ბავშვებში უნარ-ჩვევების აღზრდაზე ბევრს მუშაობს ფსიქოლოგი ელისო სამხარაძე, ასევე, ეფექტიანია ლოგოპედ მარი გოგიაშვილის მოღვაწეობა.

დირექტორი რუსუდან აბულაძე კმაყოფილია მწე კარლო ნაგლაძის, საქმის მწარმოებლების: მზია თოდაძისა და ნინო კაფინაშვილის კეთილსინდისიერი საქმიანობით. ხოლო გემოვნებიანი, გემრიელი კერძების გამკეთებელი ლილა გელენავა, მისი თანაშემწეები: ნელი ნოზაძე, ნაზი ხანუტაშვილი და დალი ნიკლაური



იმდენად ავტორიტეტულნი არიან, ნუ იკითხავთ. ცუგრუმელებს ძალიან უყვართ მათგან დამზადებული ყუათიანი საჭმელები.

ბაგა-ბაღი მუხიანის ამ მიკრორაიონში ასე პოპულარული

ბისთვის ყველას უყვარს, იმდენად აფასებენ და პატივს სცემენ, რომ აპირებენ მოკლე ხანში 80 წლის იუბილე გადაუხადონ.

მალე თავს დავალწევთ ზამთრის შემანუხებელ კლანჭებს,

მოგმართავთ ლეონიძის ხალისიანი განწყობილების აღმძვრელი სტრიქონებით: „სალამი, ასჯერ სალამი! შენ გაზაფხულის დგრი-ალო!.. შორიდან გეხარხარები: მოდი, სულ ერთად ვიაროთ!“



და მიმზიდველი რომ არის, ამაში დიდი წვლილი მიუძღვის ტექპერსონალს: მზევინარ ჩემიას, ლალი გალდავას, ნატო ლომიძეს, ეთერ გიორგობიანს, ფიქრია ჩადუნელს, სილვა ხოშბაევს, მარინე გიგუაშ-

დედის დღე და გაზაფხული ერთად მოგვილოცნია თქვენთვის, 153-ე ბაგა-ბაღელებო!

მაია მიშველაძე







**მიუხედავად** იმისა, რომ ათწლეულების მანძილზე, მოსწავლე-ახალგაზრდობის ეროვნული სასახლის ისტორიულ შენობაში, ქვეყნისთვის უმნიშვნელოვანესი პოლიტიკური საკითხები წყდებოდა. მისი მთავარი მისია მოსწავლე-ახალგაზრდობის აღზრდა და უკვე 75 წელია თავისუფალი, ღრმად მოაზროვნე მომავალი თაობის აღზრდას ემსახურება. ამას ყველა დროსა და ეპოქაში, მიუხედავად სირთულეებისა, წარმატებით ართმევდა თავს. აქ ყოველთვის იგრძნობოდა ის შემოქმედებითი, თავისუფალი სული, რომლითაც დღესაც გამოარჩევს სასახლის აღზრდილსა და აღსაზრდელს, რომელსაც არც 21-ე საუკუნეში დაუკარგავს აქტუალობა, პირიქით, კიდევ მეტი დატვირთვა შეიძინა. სასახლეს, მისმა აღზრდილმა ცნობილმა პოეტმა „დიდი მომავლის ტაძარი“ უწოდა, ადგილი, სადაც მომავალი თაობა თავისი ცხოვრების მთავარ არჩევანს აკეთებს, საკუთარი ნიჭისა და შესაძლებლობების რეალიზების საშუალება ეძლევა.

მოსწავლე-ახალგაზრდობის სასახლეს 200-წლიანი ისტორია აქვს. იგი საქართველოს დედაქალაქის ერთ-ერთი გამორჩეული შენობაა, როგორც ისტორიული, ასევე არქიტექტურული თვალსაზრისით.

დროისა და ხელისუფლებების ცვლილებასთან ერთად, ამ შენობაში იყო მთავარმართებლის რეზიდენცია, მეფისნაცვლის სასახლე, ამიერკავკასიის სეიმი, ქვეყნის პარლამენტი. აქ მიიღეს პირველი კონსტიტუცია, აქვე გამოცხადდა საქართველოს, ასევე სომხეთისა და აზერბაიჯანის დამოუკიდებლობა, მუშაობდა საბჭოთა საქართველოს მთავრობა. 1937 წელს შენობა ბავშვებს გადაეცა და ეწოდა „პიონერთა და მოსწავლეთა სახლი“, თუმცა სასახლის ოფიციალური გახსნა 1941 წლის 2 მაისს მოხდა.

დღეს მოსწავლე-ახალგაზრდობის ეროვნული სასახლე ქვეყნის მასშტაბით არაფორმალური განათლების ყველაზე მასშტაბური ორგანიზაციაა, მრავალპროფილიანი საგანმანათლებლო და სასწავლო დაწესებულება, რომელიც თავისი მოქნილი სტრუქტურით მრავალი მიმართულებით ემსახურება სასკოლო ასაკის მოზარდს. განსაზღვრულია მათი თავისუფალი

დროის ნაყოფიერად გამოყენებისათვის აუცილებელი გარემოს შექმნა, რათა რაც შეიძლება მეტი მოზარდი მოწყდეს ქუჩას და მიეცეს თვითრეალიზაციის შესაძლებლობა.



ამჟამად, მოსწავლე-ახალგაზრდობის ეროვნულ სასახლეში 15 კაბინეტი, 7 სტუდია და და 1 სახელოსნო მოქმედებს, სულ 463 წრეში 4000-მდე მოსწავლეა გაერთიანებული. ახალგაზრდების უმრავლესობა 2, 3 წრეზე დადის და აქედან გამომდინარე, სასახლე წლის განმავლობაში 7000-მდე ბავშვს, მათი სკოლისგარეშე თავისუფალი დროის გონივრულ გამოყენებას, არაფორმალურ სწავლებას ემსახურება.

მე, გაზეთ „სახალხო განათლება“-ის მუშაკი ამ სტრიქონების ავტორი, კვირაში ორჯერ მაინც ვსტუმრობ მოსწავლე-ახალგაზრდობის ეროვნულ სასახლეს (ჩემი შეილიშვილი ერთ-ერთი ქორეოგრაფიული ანსამბლის „ლაშქარის“ წევრია, რომლის ხელმძღვანელიც შესანიშნავი პროფესიონალი და წესრიგის მოყვარული პედაგოგი კახა დაშნიანი გახლავთ. სასახლეში დღეისათვის 17 ქორეოგრაფიული ჯგუფი ფუნქციონირებს). თავისი არსებობის მანძილზე სასახლეში მრავალი მაღალი პროფესიონალი

# მთბმანდით, „დიდი მთმაულის სასახლე“ გულით!

ალური და ორგანიზატორული ნიჭის მქონე პედაგოგი მოღვაწეობდა. მასხოვს, ჩემი მოსწავლეობის პერიოდში, XX საუკუნის 50-იან წლებში სასახლეში ბავშვებს თეატრალური ხელოვნების სიყვარულს გვინერგავდნენ ისეთი გამოჩენილი ადამიანები, როგორებიც იყვნენ **სერგო ზაქარაძე, ბუხუტი ზაქარაძე, ვახტანგ სულაქველიძე, თენგიზ მაღალაშვილი, ნანა ხატისკაცი** და სხვები.

სასწავლო პროცესს სასახლეში დღესაც ტრადიციულად მაღალკვალიფიციური პედაგოგები წარმართავენ. სასახლე მუდამ

**გია დვალი** და მრავალი სხვა სახელგანთქმული პიროვნება, რომელთა ჩამოთვლაც შორს წაგვიყვანდა. ბოლო წლებია სასახლის ხელმძღვანელობამ დააწესა „წარმატებული სასახლელის“ წოდება, ეს საპატიო წოდება ყოველწლიურად ენიჭება წარმატებულ პიროვნებებს, რომლებმაც ბავშვობის წლები სასახლეში გაატარეს.

მოსწავლე-ახალგაზრდობის ეროვნულ სასახლეს ჰყავს „**ვარსკვლავოსანი**“ ანსამბლები, აქვს „**ვარსკვლავოსანი**“ კაბინეტები: ვოკალურ-ინსტრუმენტული ანსამბლი „**მზიური**“, საჭადრაკო

მისი მოდერნიზაციაა საჭირო. ამ მიმართულებით არაერთი ნაბიჯი გადაიდგა... თუმცა, პროცესი გრძელდება. წელს სასახლის ადმინისტრაციის ინიციატივით, თბილისის მერიის დახმარებით, შესაძლებელი გახდა მისი ისტორიული ნაწილის, პირველი შენობის სახურავის საფუძვლიანი შეცვლა-განახლება, რომელიც ათეულწლებია, არ შეკეთებულა. ამ მიზეზით ზიანდებოდა ინტერიერი. მისი განახლება ფაქტობრივად, ამ უნიკალური შენობის გადარჩენის ტოლფასია. ასევე, ნაწილობრივ კაბინეტები აღიჭურვა სათანადო ინვენტარითა და ტექნიკით, რაც აუცილებელი პირობაა სასწავლო პროცესის გასაუმჯობესებლად.

სასახლის შემოსასვლელში დაიდგა **ტურნიკეტი**, რათა მოხდეს მოსწავლეების ზუსტი მონიტორინგი, ეს აუცილებელია ერთი მხრივ, ანალიტიკური კვლევის ჩასატარებლად, მეორე მხრივ კი, მოსწავლეთა უსაფრთხოების უზრუნველსაყოფად, სასახლის ტერიტორიაზე უცხო პირთა შემოსვლას აკონტროლებს დაცვის სამსახური.

ბოლო წლების მანძილზე, არაერთი წარმატებული პროექტი განხორციელდა: სასახლის ინიციატივითა და კოორდინაციით, გასული წლის 19 და 20 დეკემბერს მოსწავლე-ახალგაზრდობის ეროვნულ სასახლეში გაიმართა სტრატეგიული პარტნიორობის ფორუმი, რომელშიც მონაწილეობდნენ ურთიერთთანამშრომლობის მემორანდუმის ხელმოწერი მრავალპროფილიანი სასწავლო, კულტურული, სპორტული, სკოლისგარეშე და არაფორმალური განათლების ორგანიზაციები მთელი ქვეყნის მასშტაბით, რათა შემუშავდეს მოქმედების ერთიანი სტრატეგია.

გაფორმდა ურთიერთანამშრომლობის მემორანდუმი სასახლესა და თბილისის ივანე ჯავახიშვილის სახელობის უნივერსიტეტს შორის, რომლის მიზანი პროფე-

**გაგრძელება მე-6 გვ.**

განებიერებული იყო სახელოვანი პედაგოგებით. მათ შორის არაერთი საქვეყნოდ ცნობილი პიროვნება მოღვაწეობდა. თავისი საქმის ჭეშმარიტი პროფესიონალი: **ქეთევან ანანიშვილი, ვახტანგ ქარსელაძე, ალექსანდრა ჯაფარიძე, ფაცია პაიჭაძე, ნიკოლოზ საღარაძე, გურამ ბზვანელი** და მრავალი სხვა. ტრადიცია გრძელდება.

სასახლე ამაყობს არა მარტო ცნობილი პედაგოგებით, არამედ სახელოვანი აღზრდილებით. აქ არაერთი მსოფლიოში სახელგანთქმული ხელოვანი, მეცნიერი, საზოგადო მოღვაწე სწავლობდა. საამაყო დავასახელოთ ისეთები, როგორებიც არიან: მწერალი **რეზო თაბუკაშვილი**, საოპერო მომღერალი, სსრკ სახალხო არტისტი **ზურაბ ანჯაფარიძე**, მსახიობი **თენგიზ არჩვაძე**, აკადემიკოსი **მერაბ ალექსიძე**, მსოფლიოს ხუთგზის ჩემპიონი ჭადრაკში **ნონა გაფრინდაშვილი**, კინორეჟისორი **ლანა ლოლობერიძე**, დიდოსტატი, მსოფლიოს ორგზის ვიცე-ჩემპიონი ჭადრაკში **ნანა ალექსანდრია**, ფიზიკოსი, პროფესორი

სკოლა - კლუბი „**ნტნ**“, სტუდია „**პიონერფილმი**“, ქორეოგრაფიული ანსამბლი „**იმედი**“, ფოლკლორული ანსამბლი „**მირანგულა**“.

სასახლის შენობა ისტორიულია. მას წლებმა თავისი კვალი დაამრინა და სერიოზულ სარემონტო სამუშაოებს საჭიროებს. იმისათვის, რომ თანამედროვე მოთხოვნები დააკმაყოფილოს,





მე-5 გვერდიდან

სიული და შემოქმედებითი კონტაქტების დამყარება, ერთიანი ხედვის და პარტნიორული თანამშრომლობის ჩამოყალიბება.


აღსანიშნავია, რომ სასახლე მსოფლიოში ერთ-ერთი გავლენიანი ორგანიზაციის "Child and Youth Finance International"-ის ბავშვთა და ახალგაზრდობის ფინანსური განათლების საერთაშორისო ორგანიზაციის პარტნიორი გახდა. ამ



თანამშრომლობის ფარგლებში, აპრილში, მოსწავლე-ახალგაზრდობის ეროვნულ სასახლეში ჩატარდება საერთაშორისო პროექტის მეორე ეტაპი - ტრენინგების ტრენინგი, პროექტის მიზანია ახალგაზრდობში ფინანსური წიგნიერებისა და ეკონომიკური სამოქალაქო განათლების პოპულარიზება.

სასახლეში ყოველწლიურად ტარდება მოსწავლეთა სასწავლო-შემოქმედებითი კონფერენცია, რომელიც წელს 70-ე, საიუბილეოა. ტრადიციულად, მოსწავლეები 27 სექციაში, მეცნიერებისა და კულტურის სხვადასხვა სფეროში შექმნილ ნაშრომებს წარმოადგენენ.

ტრადიციულ ღონისძიებებთან ერთად



სასახლეში არაერთი ახალი საინტერესო პროექტი ხორციელდება, მათ შორის საყურადღებოა სასახლის მედიასტუდია „დროს“: ინტერნეტ ჟურნალი „Online Taoba“, ერთობლივი გადაცემა ტელეკომპანია „ერთსულოვნებასთან“ ერთად.

უახლოეს ხანში, არაერთი საინტერესო პროექტის ხორციელება იგეგმება: შეიქმნება მეცნიერების კუთხე, განხორციელდება სასახლის ისტორიული ბიბლიოთეკის მოდერნიზაცია და სათანადო აღჭურვა,

წარმატებულ სასახლელთა ხეივანის მონაწილეობა.

მოსწავლე-ახალგაზრდობის ეროვნული სასახლის მრავალმხრივ საქმიანობას სათანადო დონეზე ხელმძღვანელობენ შესანიშნავი ორგანიზატორები, ჭეშმარიტი პროფესიონალები: დირექტორი ქეთევან ფიქრიაშვილი, მისი მოადგილეები - ლია ლომინაძე, თამარ ჩიმაკიძე და ეკა ჭაჭიაშვილი.

მოსწავლე-ახალგაზრდობის

ეროვნული სასახლის ხანგრძლივი სიცოცხლისუნარიანობის საიდუმლო მის მუდმივ განახლებისაკენ სწრაფვაშია. ამისი დასტურიცაა ის ფაქტი, რომ კვლავ დიდია მოსწავლეთა ინტერესი არა მარტო ტრადიციულად მოთხოვნილი ნივთები-სადმი, როგორცაა უცხოური ენები, თუ ბავშვთა საერთაშორისო ურთიერთობების კაბინეტი, სახელოვნებო ნრეები, არამედ ზუსტი და საბუნებისმეტყველო დისციპლინებისადმი, რაც ქვეყანაში მიმდინარე ტენდენციების გამოძახილიცაა.

2016 წელი სასახლისთვის საიუბილეოა, მას 75 წელი უსრულდება! ამ ხნის მანძილზე, მიუხედავად სირთულეებისა მან შეინარჩუნა მთავარი - თავისუფალი

სული. ის დღემდე რჩება ცოდნის, შემოქმედებითი აზროვნების ტაძრად. სწორედ ამანია მისი წარმატების საიდუმლო და ცხოველყოფილობა. მობრძანდით, „დიდი მომავლის“ სასახლე გელით!

ჩვენს ეროვნული კულტურისა და ცნობიერების ტაძარს წარსული დიდების დაბრუნებას და უფრო გაბრწყინებას უსუსურვებთ!

რომან მოსაჰვილი

გაზაფხული

ხალისიანი განყოფილება

გიორგი ლეონიძე



ბოძელ მერანზე მოფინდი, ბოძელ მქრთლავი რაშითა? „ლილიეთს“ ქუხილთა ხმებში, ნიაღვარების ტაშითა! ვინა თქვა, სინაზით მოხვალ, ენძელეებით და იითა? სადაც მწვანე ფრთას დაიქნე, ვაჟკაცურ ძეგრას მიიტანს! სალამი, ასგერ სალამი! შენ გაზაფხულის დგრიალთ! ყინულს დაღლეწავ, ხმატკბილად წყარომ ბომ დაიწკრიბალს... მე გულს დაღლეწავ, ნაკვესარ ლექსმა ბომ დაიძვრიბალს! შთრიდან გეზაზხარები: მთლი, სულ ერთად ვიბრთ!

გიწვევთ საღისუნიოდ!

წერა-კითხვა ხომ არ გავიწყდებათ?

ინდაურივით თავშეყოფილი შვილიშვილები ვერ მოვამორე კომპიუტერს. პატარები კიარა, ჭარმაგებიც კი გადარია ცივილიზაციის ამ მონაპოვარმა, მის ჯანმრთელობას დამეუქრა, იოლად ფონს გასვლის სენი შეჰყარა, ლამის ნიგნი და კალამი ხელიდან გააგდებინოს, ნარკოტიკით შეიჩვია. ამას მე კი არა, ექიმები და ფსიქოლოგები მეცნიერულად ამტკიცებენ. ნიგნი რომ ნაიკითხო და ცოდნა შეიძინო, ამას შრომა უნდა, ენერჯის დაძაბვა, ტვინის შეწუხება. კაცის ბუნება ასეთია: ყველაფრის იოლად მიღწევა უნდა, ოფლის დაუღვრელად.

დღეს იდიოტი უნდა იყო, კომპიუტერის მნიშვნელობა-სარგებლიანობას არ აფასებდე, მაგრამ მედალს ხომ მეორე მხარეც აქვს? მაშ, რა ვქნათ? სად ვეძებთ გამოსავალი? ფსიქოლოგების აზრით, კომპიუტერით და მობილურით უსაზღვრო გატაცება (სულ ერთია, მოზარდი იქნება თუ ზრდასრული), პიროვნებას ერთგვარად ცლის ემოციებიდან. მოდით, ასე დავსვათ კითხვა: ამალდა თუ არა სწავლის, შეთვისებული ცოდნის დონე და ხარისხი, მას შემდეგ, რაც ცხოვრებაში ასე უმძლავრესად შემოიჭრა კომპიუტერი? მოსწავლე, სტუდენტი გადაეჩვია დამოუკიდებელ აზროვნებას. რაზე შეინუხოს თავი, როცა აგერ შეყოფს თავს და იოლად მიიღებს რა და რა გინდა ინფორმაციას. ამიტომ, რატომ შეინუხებს თავს მოსწავლე, სტუდენტი წერით, კონსპექტების შედგენით, არ ჯობია, შევყოფ თავს ინდაურივით, იმდენ ინფორმაციას მივიღებ, რომ... მაგრამ იმ ზღვა ინფორმაციის ათვისება არ გინდა?

თანდათან გადაეჩვია მოზარდი ნიგნის ხელში აღებას. რამდენიმე პოეტს ვიცნობ, „ჯღაბნა მეზარებაო“ ამბობს და პირდაპირ კომპიუტერით აანყოფს მუზის ნაყოფს. ხალხური სიბრძნე, გაგვიგონია: „ქარის მოტანილს ქარი წაიღებსო“, ე. ი. ადვილად შესწავლილი, ადვილად გავიწყდება. ფსიქოლოგები

ამბობენ: „რაც მეტი გრძნობათა ორგანო მონანილეობს აღქმაში, მით მეტია შთაბეჭდილებათა კვალი (დამახსოვრება) ჩვენს ცნობიერებაში“.

თუ შენ ნიგნს იშვიათად ნაიკითხავ. თუ შენ იშვიათად დაწერ რამეს, შეუმჩნევლად ორივეს გადაეჩვები.

ამას წინათ, საზოგადოებრივმა მაუნეებლობამ ძალზე საჭირო გადაცემა შემოგვთავაზა, რისთვისაც დიდ მადლობას მოვასხენებთ. მონვეული ჰყავდათ ხელნაწერთა ინსტიტუტის თანამშრომლები, რომლებმაც განგაშის ზარი შემოკრეს ქართული ასოების მართლწერას, კალიგრაფიას საფრთხე შეექმნათ. ექვსი წლის ლუკას წერას ასწავლიდნენ, ვერ სწავლობდა. ვინც წერა იცის, ჯღაბნის. კონსტანტინე გამსახურდია კი ნახატოვით ლამაზ ქართულ ასოებს ეალერსებოდა: „ანი ნამგალს ჰგავსო, ბანი - ყელწერნეტა დოქს“. მაშ, რა ვქნათ? რა და, ბოროტად ნუ ვისარგებლებთ (განსაკუთრებით ბავშვები) კომპიუტერით, თორემ თავად გავხდებით მისი მსხვერპლი. რომში ერთ-ერთი საფლავის ქვას აწერია: „იგი ჭამდა და სვამდა ზომიერად“ და სწორედ იმ კაცმა 120 წელი იცოცხლა. „მეტის მეტი - ბრეტისბრეტი, ასე უთქვამთ ძველებს“. კალმასზე უფრო მარგებელი თევზი, აბა რომელია? მაგრამ ზომაზე გაცილებით მეტს რომ მიადლა ლუარსაბი, „დაემართა კუჭის ანთება და ჩაბარდა პატრონს“.

კომპიუტერი ვერასოდეს შეცვლის ნიგნს, წერა-კითხვას. იგი სწავლების უმაღლესი დონის ტექნიკური, დამხმარე საშუალებაა.

ექვსი წლის წინილასავით შეუბუზბლავ პირველკლასელს ნუ მივაჩვენებთ კომპიუტერს. მოდით, მისი გამოყენება მეოთხე კლასიდან დავანწყებინოთ. მკითხველო, ამ პრობლემაზე შეიძლება დუმილი? მოდით, თქვენი მოსაზრება გაგვიზიარეთ!

რედაქტორი



**მატრო** „ღრმადღეღესთან“ მდებარე მრავალპროფილიანმა საშუალო სკოლა „ხიხანმა“ დაფუძნებდა ჩინებული სტარტი აილო და პოპულარული გახდა სახიხანში. რით მოიხვეჭა სახელი? რით და მალაღმბარისხიანი სწავლებით, თანამედროვე ტექნოლოგიებით, განსაკუთრებით მაღალპროფესიონალი, ძლიერი პედაგოგებით. ასეთი მაღალკვალიფიციური კადრებით ბევრი პრესტიჟული სკოლა იამაყებდა. კურსდამთავრებულნი გამოირჩევიან საფუძვლიანი, კონკურენტუნარიანი ცოდნა-განათლებით.



სკოლის დამფუძნებელი გახლავთ ცნობილი პროფესორი **აკაკი დუმბაძე**. მთელ სასწავლო-აღმზრდელობით პროცესს კი უძღვეს აღმასრულებელი დირექტორი, საგანმანათლებლო სივრცეში ცნობადი სახე, ღვანლმოსილი პედაგოგი **ჟუჟუნა მუმლაძე**. იგი სხვადასხვა დროს მუშაობდა პედაგოგად თბილისის მე-60, 126-ე, 101-ე სკოლებში. 20 წელი წარმატებით დირექტორობდა თბილისის 57-ე საჯარო სკოლას. გთავაზობთ მასთან საუბრის მოკლე შინაარსს.

\*\*\*

სკოლის ყველა თანამშრომელი ორიენტირებულია მაღალი შედეგებისათვის. ამისთვის შემოქმედებითი გატაცებით იბრძვიან: თბილისის 76-ე საჯარო სკოლაში დირექტორად მუშაობისას წრთობამდებელი სასწავლო ნაწილის გამგე, ძლიერი პედაგოგი **რეზო ნინუა**, სამეურნეო ნაწილს ხელმძღვანელობს **ზურაბ დუმბაძე**, ფინანსური მენეჯერი გახლავთ **ბეჟან ჩოხელი**, სკოლის წარმატებაში დიდი წვლილი შეაქვთ ბუღალტერ **მანანო ბასილაშვილს**, ინფორმატიკის მენეჯერს **გიორგი სიხარულიძეს**. ენთუზიაზმით მუშაობენ გამოცდილი პედაგოგები: **ნელი**

**ლაჭავა, ცისანა დათაშვილი, ლამარა ცხვედაძე, ფიქრია ლურწკაია** (პროფესორი), **დალი ზუკაკიშვილი-ნინიაშვილი, ლილი ანთელავა, ეთერ ქუთათელაძე** (რესპუბლიკის დამსახურებული პედაგოგი), **ციალა ჩხაიძე-ქოზაშვილი, ნინო პერანიძე, ლელა ზედელაშვილი-კერძევაძე, თინათინ ხუბულაური-ჭაბაშვილი, პლატონ ოთინაშვილი, დალი თათულაშვილი, ანა არველაძე** (პროფესორი), **თიემურაზ მამუჩიშვილი, მანანა ფხოველიშვილი, მარიამ ყურაშვილი**.

სკოლაში სწავლობენ მე-10, მე-11, მე-12 კლასელები. შარშან კურსდამთავრებულთაგან 87 სტუდენტი გახდა. **ნათია ნაკაიძემ** სკოლაში ოქროს მედალი მოიხვეჭა.

„ხიხანში“ ფუნქციონირებს 3 კათედრა. საზოგადოებრივი მეცნიერებისა, რომელსაც ხელმძღვანელობს გამოცდილი პედაგოგი **დალი მშვიდლობაძე**, მათემატიკისა და საბუნებისმეტყველო მეცნიერებებისას – პროფესორი **ფიქრია ლურწკაია**, უცხოური ენების, სპორტისა და ხელოვნების კათედრას ხელმძღვანელობს **ციალა ჩხაიძე**.

სკოლა ამაყობს საუკეთესო სპორტსმენებით. ესენი გახლავთ:

ქარკო სკოლის დიდი მისია

„ხიხანი“ ყველასთან პირნათელია

ირაკლი მეტრეველი (ჩოგბურთი), **საბა ლომიძე** (კალათბურთი), **გოგა შალამბერიძე** (ფეხბურთი) და სხვა.

სკოლა ასახელებს მოდელებს: **თამარ ნაცვლიშვილმა** პარიზში განსაკუთრებული მოწონება დაიმსახურა. მას დიდი წარმატება ხვდა წილად. ასევე გაიმარჯვა მოდელებმა **მარიამ კვარაცხელიამ**.

შესანიშნავი მუსიკოსი (საყვირი) **ვლადიმერ გეორგიანი** უამრავი ჯილდოს მფლობელი, 22 კონკურსის ლაურეატი.

სკოლა ასახელებს **ლაშა ჯაიანმა** (მორაგბე), საქართველოს 18 წლამდე ნაკრების წევრმა, **გიორგი დვალამა** (ველოსიპედით სამთო დაშვება) სნოუბორდის ნაკრების წევრმა. იგი 2014 წელს გახდა საქართველოს ჩემპიონი.

სწავლაში წარჩინებული მოსწავლეები არიან: **სოფიო ჯანჯალია, მიხეილ ტატიშვილი, ნინო ალანია, ანა ქვეთარაძე, ნუგზარ ჩაჩხანიანი, მარიამ კრიხელი, სალომე კიკაბიძე, ქეთევან ლაღვილი, ქეთევან მონადირიშვილი, ლიზი და ნუცა ჩინჩილაკაშვილები, დიმიტრი და გიორგი ყიფიანები, ლუკა ლურწკაია, ლაშა ჯაოშვილი, ლუკა მკალავიშვილი, ანდრია, ნატალია, ნიკოლოზ კალანდაძეები, ზვიად ჩიქოვაძე, მაია თომაძე, გიორგი, ლუკა და ნიკა მუმლაძეები, ანა მგელაძე და სხვები.**

სკოლას აქვს კეთილმოწყობილი ლაბორატორიული კაბინეტები. ბიბლიოთეკა მდიდარია სასწავლო და სხვა ლიტერატურით, ჰყავს ერუდირებული ბიბ-



ლიოთეკარი **მაცვალა ოდილაძე**. კარგი სპორტული დარბაზი ჩაყენებულია აღზრდის სამსახურში.

სკოლაში განათლებასთან ერთად მონესრიგებულია სანიტარულ-ჰიგიენური პირობები. ჰყავთ გამოცდილი ექიმი **თამარ ნინიაშვილი**, რომელიც მოსწავლეების ჯანმრთელობაზე ბევრს ზრუნავს.

მოსწავლეთა სასწავლო-შემოქმედებითი უნარებისა და პოტენციალის ამაღლების მიზნით, ტარდება შეხვედრები უნივერსიტეტის წარმომადგენლებთან. მაგალითად, მონეწეული გვყავდა საავიაციო უნივერსიტეტის წარმომადგენლები. ამ ღონისძიებაზე გაიმართა საქმიანი, საინტერესო საუბრები.

სისტემატურად ტარდება ლიტერატურული საღამოები. მოეწყო **ნოდარ დუმბაძის** შემოქმედების განხილვა. **ვაჟა-ფშაველას** გარდაცვალებიდან 100 წლისთავთან დაკავშირებით თემაზე „**მთის არწივი**“ მოეწყო პოეტის შემოქმედების გაანალიზება-გარჩევა.

„**ლამაზად შვილის გამზრდელი, დედა მიცნია ღმერთადა**“, – ამ ლიტერატურულ ღონისძიებაში აქტიური მონაწილეობა მიიღეს მე-12 კლასის ნიჭიერმა და ნივნიერმა მოსწავლეებმა (კლასის ხელმძღვანელი **ლალი ნინიაშვილი**).

ერთი სიტყვით, სკოლამ არსებობის 13 წლის მანძილზე თვალსაჩინო შედეგებს მიაღწია. „**ხიხანი**“ საქართველოს უზრდის პატრიოტ და განათლებულ ახალგაზრდო-



ბას. სკოლის ყველა დედა მასწავლებელს, ასევე ყველა თანამშრომელს, მოსწავლეს ვულოცავთ დედის დღეს და გაზაფხულს. „**ხიხანელებო**“, ახალ გამარჯვებებსა და ბედნიერებას გისურვებთ!

პორის მიშველაძე



უწყინარი ნიკაპრება

ზაგ-ზაღის დირექტორმა „გაკაშაყირა“

„**გაკაშაყირა**“ არასალიტერატურო სიტყვაა, **გაბითურების** სინონიმი გახლავთ. გურულები შესატყვის ტერმინად „**გალადავებას**“ ხმარობენ. მერე რა, ჩვენ კი არა, დიდებულმა **დავით კლდიაშვილმა** კუთხური „**გაცუცურაკება**“ სალიტერატურო ლექსიკონორმა აქცია. ეს ხუმრობით, ახლა კი – უფრო სერიოზულად: ერთ ბაგა-ბაღს ვენვით, სა-

დაც ბრწყინვალე აღმზრდელები მოღვაწეობენ. დედის დღესთან დაკავშირებით მიხდოდა, მათ საქმიანობაზე გულთბილი წერილი დამეწერა. – **ეს კერძო გაზეთია?** – დირექტორის შეკითხვაში რაღაც დამამცირებელი ირონიული ტონი აღვიქვი. „**სახალხო განათლება**“ **გავუწოდე: იაკობ გოგებაშვილის პედაგოგიურ იდეებზე დაფუძნებული**

საქართველოს მასწავლებელთა 90 წლის გაზეთია. – **რა მასშტაბით ვრცელდება?** – **პასუხს არ დაელოდა, – არ მინდა, ჩვენს თავზე ვწეროთ და ჩვენვე ვიკითხოთ.** – **ქვეყნის მასშტაბით კითხულობენ...** მაინც თავისას ერეკებოდა და მის საუბარში იგრძნობოდა ცინიკური ქვეტექსტი: თითქოს ვიყავი ვინმე კერძო პირი, რომელიც

დადის და ასაღებს პედაგოგისთვის არასაჭირო კერძო გაზეთს. – **რამდენი იქნება გადასახადი?** – **რა გადასახადი, საშემოსავლო? მშობლიური ბაღის ცხოვრების ამსახველ პედაგოგიურ გაზეთს აღმზრდელები რომ შეიძენენ, ამას გადასახადი ჰქვია?** – **არ შეიძენენ. ურჩევნიათ, მის ფასად ერთი ცალი პური იყიდონ.** **აი, დირექტორის აზრი თავის პედაგოგებზე!** **იმ წერილის კითხვას შეუდგა, სადაც სხვა ბაღის დირექტორზე, მის კოლეგაზე ვწერდი, მეცნიერებათა დოქტორია-მეთქი.** – **მე რომ არა ვარ დოქტორი, რაღა ვქნა?** – ირონიული ლიმილი გამოეხატა სახეზე. სიმართლე

გითხრათ, ამ წინადადების საიდუმლოებას ვერ ჩავენდი. შემდეგ მეთოდისტი იხმო და უბრძანა: არ მომწონს ეს გაზეთი, მაგრამ მაინც „**სასკოლო მზაობის პროგრამაზე**“ დაუწერე ამ კაცს რამეო. ვატყობდი, ერთი სული ჰქონდა, თავიდან როგორ მოვეშორებინე. ჰოდა, მეც დავტაცე ქუღს ხელი და გავეცალე. ასე „გაგავაყირა“ გლდანულის ბაგა-ბაღის დიდად განათლებულმა, სტუმართმოყვარე დირექტორმა **იზოლდა ლოლაძემ** მე და საქართველოს მასწავლებელთა გაზეთი.

მოსა მხარალი



დედის დღეს გილოცავთ, 85-ე ბაგა-ბაღელები!

გულს გაგვისატრებს ეს გაზატხული

მეტირო „ვაჟა-ფშაველასთან“ მდებარე 85-ე ბაგა-ბაღი მთელი გარეუბნის მშენებელია. ხუთი წლის წინათ ვიყავით აქ. მას შემდეგ

ბით, გამოცდილი და თანამოაზრე პედაგოგ-აღმზრდელებით.

– ჩვენ გუნდური პრინციპით ვიღვნივით, შეხმატკბილებულად,

არე სასწავლო წელს ბევრი რამ შეემატა ბაგა-ბაღს: უფრო მოწესრიგდა ეზო-გარემო, შემოიტანეს ახალი ინვენტარი, სათამაშოები, სანოლები, სასწავლო თვალსაჩინოება.

– წლებანდელი წლის ყველაზე დიდი სიახლეა ის, რომ ეფექტიანად, ნარმატებით ვახორციელებთ „სასკოლო მზაობის პროგრამის“ მოთხოვნებს, – განგვიმარტა მეთოდისტმა თამარ დუმბაძემ, – შარშან 90 სასკოლოდ მომზადებულ ნიჭიერ ცეროდენას გზა დავულოცეთ სკოლაში. წელსაც იმავე რაოდენობის ჩინებულად მომზადებულ პატარას გავაცილებთ.

მოკლედ, მინდა მარჯვენა დავულოცოთ და მადლობა ვუთხრათ ყველა ნარმატების შემოქმედთ, ნიჭიერი (აქ ყველა ნიჭიერია) თვალბატულა გოგო-ბიჭების აღმზრდელებსა და მათ თანაშემწეებს: ლეილა ბუჟანიშვილს, ნათელა ბიბილაშვილს, ირმა სომხიშვილს, ნანა მეშველიანს, თამილა ლიპარტელიანს, თამარ ბაღაშვილს, ტატანა ილურიძეს, ლელა ტყემალაძეს, ინგა ლაზარეას, ინგა მინდიაშვილს, ლელა ინაშვილს, თანაშემწეებს: ნატო ნოზაძეს, ეკა კუკულაძეს, დინა ტორაძეს, ნანა რურუას, ნათია მარკოზაშვილს, ირინე ჭოხონელიძეს, ხათუნა და ცისანა ტეფნაძეებს.

შედეგიანად მუშაობენ პანიე-ბთან სპეც-პედაგოგი თამარ აფხაზავა და ლოგოპედი ციალა თოლორაძეა.

რაც არ უნდა ვთქვათ, შრომის-მოყვარე გამოცდილი საქმისმწარმოებლების: ფოთოლა სვანიძის და მირანდა მოდებაძის, მკლავ-მოუღლეი მნე მზია მაისურაძის ერთუზიანობის გარეშე ბევრი რამ დააკლდებოდა ბაგა-ბაღელთა კეთილდღეობას. დირექტორი ინგა გუგავა მეტად კმაყოფილია ამათი საქმიანობით.

გამოცდილი ექთანნი გულიკო ბაკურაძე მტკიცედ დგას პატარების ჯანმრთელობის სადარაჯოზე, ყოველ მათგანს დედასავით თავს ევლებს.

გულთბილი, სამადლობელი სიტყვები არ უნდა დავიშუროთ იმ პედაგოგების მიმართ, რომლებიც მომავლის ხელოვანებს ზრდიან, მათ სულს უფაქიზებენ. ისინი მთელი ბაგა-ბაღის ცხოვრებას ახალისებენ. ამ სიტყვების ადრესატები არიან: მუსიკის პედაგოგი სალომე ვაშალიძე და ცეკვის მასწავლებელი სალომე ელბაქიძე.

ახლა კი მეტად პოპულარული მუშაკები გავიცნოთ, მკითხველო. მათ მიერ დამზადებული მრავალფეროვანი, ყუათიანი, არომატული, ეკოლოგიურად ჯანსაღი კერძები ძალიან უყვართ ცეროდენებს, შინ დედის გაკეთებულს ურჩევენიათ. დიდი მადლობა გე-



ხუთჯერ უფრო გალამაზებულა იგი. მალე მოვა გაზაფხული და ზღაპრულ ეზოს, ჯერ ისევ მოწყენილს, ცეროდენები გაახალისებენ. მალე, 3 მარტს დედის დღეც დადგება.

დედა ყველაზე ძვირფასი არსებაა. დედა მზე და გაზაფხულია. დედა სიცოცხლის საწყისი და წყაროა. ცეროდენები იას დაუკრეფენ დედას, ჩახუტებიან, უმღერებენ, ლექსს უძღვნიან, თუნ-

– აცხადებს ქალბატონი ინგა, – ვერავის გამოვარჩევ, ყველა მუშაკი კეთილსინდისიერად უძღვება თავის საქმეს. მაინც ნამოვაცდენიერ ღვანლმოსილთა ქება. აი, მაგალითად, მაღალი შეფასება მისცა დირექტორმა გამობრძმედილი მეთოდისტის თამარ დუმბაძის საქმიანობას, დამსახურებული ფსიქოლოგის ნინო ხელაძის დიდ გამოცდილებას. სხვებზე სხვა ადგილას ვი-



დაც ასეთს: „დედა, ია დაგიკრიფე, ლურჯთვალა და კოპნია, დედის დღე და გაზაფხული ერთად მოგვილოცნია“.

ცუგრუმელების ამ ზღაპრული სამყაროს დიდი დიასახლისი გახლავთ ბავშვებზე დედასავით მზრუნველი, გამოცდილი დირექტორი, ისტორიის პედაგოგი და ჩინებულ უურნალისტი ინგა გუგავა. იგი ამყარებს თავისი ძლიერი, შრომისმოყვარე თანამშრომლე-

ტყვით. ყველაზე მთავარია, რომ აქ პატარების სწავლა-აღზრდისთვის შესანიშნავი პირობებია შექმნილი. აქ ისიც არის მთავარი, რომ მშობლები ძალიან კმაყოფილი და გახარებულნი არიან. მშობელთა უამრავი სამადლობელი სიტყვა ამოვიკითხეთ შთაბეჭდილებათა ნიგნიდან.

მერიის, კერძოდ, ბაგა-ბაღების სააგენტოს უფროს თემურ თორდინავას დახმარებით მიმდინ-



მოვნიბიან, გამოცდილ მზარეულ მარინე თორდიას და მის თანაშემწე თინა მელაძეს.

ბაღანარადტყეული, ეგზოტიკური ეზო აქვს შიგნით და გარეთ ხომ ყველაფერი სუფთა და მომხიბლავია.

ასევე, ცეროდენებისთვის ბევრს ზრუნავენ და ბაგა-ბაღის

გიორგი ლეონიძის ოდნავმეცე-



კეთილდღეობაში თავიანთი საპატო წვლილი შეაქვთ ტექპერსონალს: ნუნუ გულბიანს, მაია საგანელიძეს, ნინო ცერცვაძეს, ლევან

ლილი სტრიქონებით დაგლოცავთ მეგობრებო: „შენ აყვავდი, ბალო მეტად, მზე შენა და ვარდის ფენა, ბევრზე ბევრი შენ გაზარდე, ვინც



ხუციშვილს, რამაზ ჩხაიძეს, ლაშა გუგავას, ანა ჟღენტს, ნატა დათიაშვილს, თეონა შარაშიძეს. ეს არ არის ნვრილმანი. ერთი ბრძენკაცი ხომ ამბობდა: მცირედისაგან შენდება დიდო. ზემოჩამოთვლილთა დამსახურებაა, რომ ბაგა-ბაღს

ქვეყანა დაამშვენა!“ ყველა ცეროდენის დედას, ბაღის თანამშრომელ ყველა დედას ვულოცავთ დედის დღეს და გაზაფხულის მობრძანებას!

ბორის ხარაბავა



მთ. რედაქტორი ბორის მიშველაძე
სახალხო განათლება № 4 (4525) 24 თებერვალი, 2016 წელი გაზეთი გამოდის 1928 წლიდან
რედკოლეგია
ზურაბ ქობალია (თავმჯდომარე) 599 34-37-27; ნათელა ქიმერიძე 595 58-45-72; ბორის მიშველაძე 555 59-60-50; რომან მოსეშვილი 599 34 41 41; ნათია გურგენიძე 593 42-22-58; ეკა მამუკაშვილი 557 20-85-04
E-mail: sakhalkho.ganatleba@gmail.com
ტელ: (0 32) 2 99 80 00 (0 32) 2 98 48 07; (0 32) 2 99 63 52
ISSN 1987-9113
9 771987 911009